

**I. ATALA****BIZKAIKO LURRALDE HISTORIKOKO FORU ADMINISTRAZIOA****Bizkaiko Foru Aldundia****Azpiegituretarako eta Lurralde Garapenerako Saila**

Administrazioen arteko Hitzarmena, zeinaren bidez formalizatzen baita BI-2238 errepedeko 35+600 eta 37+000 kilometro-puntuaren artean sarbideak berrantolatzeko eta trafikoa baretzeko lanak, Arteagan obren Proiektuaren eremuaren barruko desjabetze-espeditentea izapidetzeko Kudeaketa-Gomendioa, Gautegiz-Arteagako Udalarena.

PARTE-HARTZAILEAK:

- Alde batetik, Imanol Pradales Gil jauna, Bizkaiko Foru Aldundi txit goreneko Azpiegituretarako eta Lurralde Garapenerako Saileko foru diputatua.
- Bestetik, Juan Felix Naberan Ozamiz jaun txit agurgarria, Gautegiz-Arteagako Udaleko alkatea (udalburua).

ESKU HARTZEN DUTE:

Lehenengoak Bizkaiko Foru Aldundiko Azpiegituretarako eta Lurralde Garapenerako Foru Saileko diputatua gisa esku hartuko du, Azpiegituretarako eta Lurralde Garapenerako Sailaren egitura organikoaren erregelamendua onesten duen Bizkaiko Foru Aldundiaren abenduaren 17ko 204/2019 Foru Dekretuaren azken xedapenetatik lehenengoan jasotako eskumen orokorraren arabera.

Bigarrenak Gautegiz-Arteagako Udaleko alkate-udalburu gisa esku hartuko du, Toki Araubidearen Oinarriak arautzen dituen apirilaren 2ko 7/1985 Legearen 21. artikularen bitartez udala ordezkatzeko lege-gaitasuna izanik.

Parte-hartzaileek hitzarmen hau sinatzeko legezko gaitasuna aitortzen diote elkarri.

AZALTZEN DUTE:

I. Agindu hori bat dator Euskadiko Tokiko Erakundeak arautzen dituen apirilaren 7ko 2/2016 Legearen 19.4 artikulua xedatutakoarekin eta Sektore Publikoaren Araubide Juridikoari buruzko urriaren 1eko 40/2015 Legearen 11. artikulua ezarritakoarekin.

II. Gautegiz-Arteagako Udalari dagokio desjabetzeko eskumen ukaezina baliatzea, Toki Araubidearen Oinarriak arautzen dituen apirilaren 2ko 7/85 Legearen 4.1.d) artikuluan eta Euskadiko Tokiko Erakundeak arautzen dituen apirilaren 7ko 2/2016 Legearen 2.5 eta 17.1.9 artikuluetan xedatutakoaren arabera.

III. Bizkaiko Foru Aldundiak 2020ko apirilaren 21ean onartu zuen «BI-2238 errepedeko 35+600 eta 37+000 kilometro-puntuaren artean sarbideak berrantolatzeko eta trafikoa baretzeko lanak, Arteagan» obren proiektua, izeneko proiektua.. Obra horien helburua trafikoa baretzea eta tarte horretan BI-2238 errepedearen zeharbideko bide-segurtasuna eta oinezkoentzako ibilbidea hobetzea da.

IV. Aipaturiko proiektu hori gauzatzeak, idatzita dagoen moduan, berekin dakar desjabetze-espeditentearen izapidetze zehatza, eta aipaturiko udalak ez du desjabetze-eskumena gauzatzeko behar diren baliabide tekniko eta juridikorik, eta horri ezin dio uko egin.

V. Bizkaiko Foru Aldundiko Azpiegituretarako eta Lurralde Garapenerako Sailak, Desjabetzeen eta Ukituriko Zerbitzuen Zerbitzuaren bidez, eskumena eta baliabideak ditu Bizkaiko Lurralde Historikoko udalei aholkularitza emateko eta, alde aurretik hitzarmena eginda, nahitaezko desjabetzearen espeditentea kudeatzeko, udalek ez dutenean egoki diren desjabetzeak egiteko baliabide tekniko eta juridikorik, hain zuzen ere lehen aipatutako 47.1 artikuluko d) letran aurreikusten den bezala. Azpiegituretarako eta Garapenerako Sailaren Egitura Organikoaren Erregelamendua onartzen du Foru Aldundiaren abenduaren 17ko 204/2019 Foru Dekretu horrek.



VI. Hitzarmen honen eremu materiala «BI-2238 errepideko 35+600 eta 37+000 kilometro-puntuaren artean sarbideak berrantolatzeko eta trafikoa baretzeko lanak, Arteagan» obren proiektuaren eremuaren desjabetze-kudeaketara mugatzen da soilik.

VII. Horretarako, esku hartzen duten bi administrazioen interesak koordinatzeko, bakoitzak bere eskumenen ikuspegitik, lankidetzaz-irizpideei eta eraginkortasun eta ekonomia handienari jarraiki, parte hartzen duten alderdiek hitzarmen hau formalizatuko dute, honako klausula hauen arabera:

KLAUSULAK

1. Hitzarmenaren xedea

Honako hitzarmen honen xedea da Bizkaiko Foru Aldundiko Azpiegituretarako eta Lurralde Garapenerako Sailaren eta Gautegiz-Arteagako Udalaren artean formalizatzea «BI-2238 errepideko 35+600 eta 37+000 kilometro-puntuaren artean sarbideak berrantolatzeko eta trafikoa baretzeko lanak, Arteagan» obren proiektuaren eremuaren barruan desjabetze-espeditentzia izapidetzeko kudeaketa-gomendia.

Desjabetze-espeditentziaren kudeaketa tekniko eta materiala egiteko, Azpiegituretarako eta Lurralde Garapenerako Sailaren desjabetzearen eta ukitutako zerbitzuen zerbitzua Gautegiz-Arteagako Udalarekin elkarlanean arituko dira, desjabetzearen kudeaketa zuzen garatuko dela ziurtatzeko.

2. Alderdien konpromisoak

Bizkaiko Foru Aldundia

Hitzarmen honetan ezarritakoaren ondorioetarako, Bizkaiko Foru Aldundiko Azpiegituretarako eta Lurralde Garapenerako Sailari dagozkio hauek:

1. Gautegiz-Arteagako Udalaren eskura jartzea behar dituen langile publikoak, aipaturiko proiektuaren eremuan kokaturiko lurzoruen desjabetze-espeditentziaren izapidetze tekniko eta materiala euskarritzeko. Izapidetzearen kudeaketarako gomendio horrek ez du ekarriko, ordea, Bizkaiko Foru Aldundiko Azpiegituretarako eta Lurralde Garapenerako Sailak jabetza kentzeko eskumena eskuratzea, zeren eta Gautegiz-Arteagako Udalak ezin baitio horri uko egin.

Gautegiz-Arteagako Udala

1. Proiektuaren eremuko desjabetzea kudeatzeko helburuarekin, Azpiegituretarako eta Lurralde Garapenerako Saileko langile publikoei udaleko bulegoetan sartzen uztea, bai eta aipaturiko desjabetzearen kudeaketa zehatzetarako dokumentazioa kontsultatzea ahalbidetzea ere.
2. Proiektuaren eremuko desjabetzea kudeatzeko helburuarekin, Azpiegituretarako eta Lurralde Garapenerako Saileko langile publikoei informazioa ematea, hitzarmen honen bitartez desjabetuko diren lur-zatien titulartasun-datuei buruzkoa.
3. Proiektuaren eremuko desjabetzearen kudeaketa egiteko soilik, Gautegiz-Arteagako Udalaren erantzukizuna izango da beharrezkoak diren sektore guztietako baimeak izatea, desjabetze-prozedura behar bezala gauzatzen dela bermatzeko eta prozedura ez dadila luzatu oinarritzko baldintzak betetzen ez direlako.
4. Proiektuaren eremuko desjabetzea kudeatzeko soilik Gautegiz-Arteagako Udalak izango du desjabetze-administrazio gisa dagozkion egintza administratibo guztiak emateko eskumena, besteak beste 2020ko apirilaren 21ean onetsitako proiektuaren onura publikoaren alde aurreko adierazpena egitea. Adierazpen hori egun berean onetsi zen aipaturiko proiektuaren barruan.

3. Alderdien konpromisoak

Lur-zatiak desjabetzearen ondoriozko betebeharrak ekonomiko guztiak Gautegiz-Arteagako Udalaren erantzukizuna izango dira, eta Bizkaiko Foru Aldundiko Azpiegituretarako eta Lurralde Garapenerako Sailak ez du inolako betebeharrak ekonomikorik bere gain hartuko.

**4. Alderdiak beren gain hartutako betebeharrak eta konpromisoak ez betetzearen ondorioak**

Aurreko puntuetan ezarritako betebeharrak ez betetzeak hitzarmenaren suntsiarazpena ekarriko du, seigarren klausulan aurreikusitako ondorioekin ekarri ere. Horrez gain, bidezkoak diren erantzukizunak eskatu ahal izango dira.

5. Hitzarmena aldatzeko araubidea

Sinatzaileen ahobatezko erabakia beharko da hitzarmena aldatzeko eta horretarako ezarritako izapide berak jarraituko dira.

6. Hitzarmenenak azkentzea

Hitzarmen honen ondorioak hitzarmena betetakoan amaituko dira, hots, hitzarmen honen proiektuaren eremuko lurzorua desjabetzeko espedientearen izapidetze administratiboa bukatutakoan, edo honako arrazoi hauengatik:

- Alderdi sinatzaileek hitzarmena azkentzeko ahobatezko erabakia hartzeagatik.
- Alderdi sinatzaileetakoren batek bere gain hartutako betebeharrak eta konpromisoak ez betetzeagatik.
- Deuseztasuna adierazteko epaileen erabakia emateagatik.
- Hitzarmen honetan edo legeetan aurreikusitako beste edozein arrazoiengatik.

7. Alderdien laguntzeko betebeharrak

Gaitegiz-Arteagako Udalak konpromisoa hartzen du Bizkaiko Foru Aldundiari laguntzeko hitzarmen honetako objektua behar den moduan egikaritzeko. Horretarako Aldundiak egin litzakeen kontrol-eginkizunetan parte hartuko du.

8. Hitzarmenaren publizitatea

Hitzarmen honen edukia Estatuko, Euskal Autonomia Erkidegoko edo Bizkaiko aldirikari ofizialetan argitaratuko da, Sektore Publikoaren Araubide Juridikoaren urriaren 1eko 40/2015 Legearen 11.3.b) artikuluan xedatutakoaren arabera.

9. Datu pertsonalen babesa

Alderdi sinatzaileek honako hauetan ezarritakoa betetzea hitzartzen dute: pertsona fisikoen babesari buruzko eta datu pertsonalak tratatzearen eta datu horien zirkulazio librearen alorreko Europako Parlamentuaren eta Kontseiluaren 679/2016 Erregelamendua, 2016ko apirilaren 27koa; eta 3/2018 Lege Organikoa, abenduaren 5koa, Datu Pertsonalak Babesteari eta eskubide digitalak bermatzeari buruzkoa eta aplikagarria den gainontzeko araudia.

10. Gardentasuna

Bizkaiko Foru Aldundiaren Gobernu Kontseiluak Hitzarmen hau onetsi ondoren, Bizkaiko gardentasunari buruzko otsailaren 17ko 1/2016 Foru Arauaren 3.3 artikularekin bat 9.1.e). artikuluan ezarritakoaren arabera, BFAREN Gardentasunaren Atarian argitaratuko da.

11. Emakume eta gizonen arteko berdintasuna

Hitzarmen honetan esku hartzen duten alderdiek genero ikuspegia txertatuko dute hitzarmen honen harira dagozkien jarduketan guztietan, emakume eta gizonen arteko berdintasunerako ekainaren 20ko 4/2018 Foru Arauan ezarritakoari jarraikiz betiere.

12. Araubide juridikoa

Hitzarmen honi, bai eta izenpetu eta gero izango dituen ondorioei ere, araubide hau aplikatu beharko zaie, edo, hala badagokio, aurrerago egindako berariazko indargabetzeagatik aurrekoa ordeztuko duena:

- 40/2015 Legea, urriaren 1ekoa, Arlo Publikoaren Araubide Juridikoarena.
- 7/1985 Legea, apirilaren 2koa, Toki Araubidearen Oinarriak arautzen dituen.



- Nahitaezko Desjabetzei buruzko 1954ko abenduaren 16ko Legea.
- Apirilaren 7ko 2/2/2016 Legea, Euskadiko tokiko erakundeak arautzen dituen.
- 2/2006 Legea, ekainaren 30ekoa, Lurzoruari eta Hirigintzari buruzkoa.
- 105/2008 Dekretua, ekainaren 3koa, Lurzoruari eta Hirigintzari buruzko ekainaren 30eko 2/2006 Legea garatzen duten premiazko neurriei buruzkoa.
- Bizkaiko Foru Aldundiaren 169/2014 Foru Dekretua, abenduaren 16koa. Horren bidez, Bizkaiko Lurralde Historikoko Aurrekontuei buruzko Araudi Orokorra onetsi zen, Aurrekontuei buruzko Foru Arauaren testu bategina garatzen duena.
- Eta aplikatu beharreko gainerako administrazio-araudia.

13. Indarrean sartzea

Hitzarmena sinatutakoan sartuko da indarrean; nolahi ere, hirugarrenengan izan ditzakeen ondorioek hitzarmenaren zortzigarren klausulan ezarritakoari jarraituko diote.

Eta aurreko guztia onartu eta berarekin ados direla adierazteko, esku-hartzaileek hitzarmen honen bi ale sinatzen dituzte, hasieran adierazitako lekuan eta datan.

Bilbon, 2020ko urriaren 6an. — Azpiegituretarako eta Lurralde Garapenerako Saileko foru diputatua, Imanol Pradales Gil. — Gautegiz-Arteagako Alkate-Udalburu jauna, Juan Félix Naberan Ozamiz